

Headlines

- 1 जम्मू-कश्मीर च असैम्बली चुनाएं लेई प्रचार जोर फगड़दा जा करदा ऐ। बक्ख-बक्ख सियासी पार्टिं दे नेताएं अपने हल्के थमां नामांकन भरने शुरू करी दिते न।
- 2 समूलचे केंद्र शासित प्रदेश च स्वीप दे तैहत मतदाताएं गी जागरूक बनाने आले कार्यक्रमें दे आयोजन राहें नोडल अफसर लोकें गी उंदे संवैधानिक अधिकार बारे जानकार बना करदे न।
- 3 रक्षा मंत्री राजनाथ सिंह होरें आखेआ ऐ जे भारत ते अमरीका स्वभाविक सैहयोगी न ते किट्ठे रलियै ओह दुनिया च रमानदारी, समृद्धि ते स्थिरता यकीनी बनाई सकदे न।
- 4 भारत अजज पैहला राश्ट्रीय अंतरिक्ष दिवस मना करदा ऐ। राश्ट्रपति द्रौपदी मुर्मू होरें आखेआ ऐ जे इसरो नै नांs छड़ा

अंतरिक्ष दे खेतर लेई सगुआं देसै दे समाजी-आर्थिक विकास
लेई बी महत्वपूर्ण योगदान दिता ऐ।

<><><><><><>

Election-Nomination

कुलगाम जिले दे कुलगाम, देवसर ते डी.एच पोरा हल्के लेई अज्ज 4
मेदवारें अपनी नामजदगी आले कागद भरे न। नेशनल कांफ्रेंस दिएं
वरिष्ठ नेता ते दऊं बारी विधायक रेई चुकी दिएं सकीना इतू होरें
उमर अब्दुल्ला हुंदी मजूदगी च डी.एच.पोरा हल्के लेई नामांकन
भरेया। तोआईं अपनी पार्टी दे अब्दुल मजीद पाड्डर होरें बी
डी.एच.पोरा हल्के लेई नामांकन भरेया। इस हल्के च पैहले गेड़ तैहत
18 सितंबर गी मतदान होना ऐ। कांग्रेस पार्टी दे नजीद अहमद लावे
होरें कुलगाम हल्के लेई अपना नामांकन भरेया ऐ। देवसर हल्के थमां
पीडीपी दे मेदवार मोहम्मद सरताज मदनी होरें अपनी नामजदगी
दाखल कीती। प्रदेश च चुनां प्रचार जोर फगड़दा जा करदा ऐ।
नेशनल कांफ्रेंस दे वरिष्ठ नेता खालिद नजीब सुहरावरदी होरें डोडा

हल्के थमां अज्ज अपना नामांकन भरेया। इस मौके खरी मती गिनतरी च उंदे समर्थक बी उत्थू मजूद हे। सुहरावरदी होर 5मीं बारी डोडा असैम्बली सीट थमां चुनां लड़ै करदे न। रामबन जिले च पीडीपी दे हाजी इम्तियाज शान हौरें बनिहाल हल्के थमां नामांकन भरेया ऐ।

<><><><><><>

SVEE-Reasi

औंदे विधानसभा चुनाएं दी तैयारियें दे चलदे स्वीप टीम रियासी नै “युवा चोपाल” नां दा वोटर जागरूकता प्रोग्राम दा आयोजन रियासी दे जनरल जोरावर सिंह डिग्री कालेज च कीता। एह समारोह उत्थूं दे जिला चुनां अधिकारी विशेष महाजन हुंदी अगुवाई च होआ। एहदे च पैहली बारी वोट पाने आहले मतदाताएं, विचद्यार्थियें ते बाकी स्टाफ नै बधी-चढ़ियै हिस्सा लैता। इस समारोह च सांस्कृतिक प्रोग्राम बी होआ जेदे च स्कूली बच्चें हिस्सा लेइये मतदान दे

महत्व बारे दस्सेया। इस मौके उप्पर बोलदे होई रियासी दे नोडल अधिकारी सचिन शर्मा होरें गलाया।

<><><><><><>

SWEEP-Doda

भारती चुनां आयोग दे निर्देशें गी मनदे होई चुनां अधिकारिएं डोडा च मतदाताएं गी जागरूक करने लेई स्वीप प्रोग्राम तैहत गतिविधियां बदाइयां। इस पैहलकदमी तैहत गै 52 डोडा असेम्बली हल्के दे घाट, अरनोरा ते बबूर नां दे ग्राएं च घर-घर जाइये लोकें गी मतदान आस्तै जागरूक करने दा अभियान बी चलाया गेआ। एह् टीमां लोकें दे घरें गेइयां जित्थे जाइये उनें जानकारी सरबन्धी समेयान बंडेया ते लोकें दे सौआलें दे जवाब दित्ते।

<><><><><><>

SVEEP-Poonch

अज्ज पुंछ दे दीनानाथ मेमोरियल गोवर्नमेंट गर्ल्ज हायर सेकेंडरी स्कूल च स्वीप दी टीम नै इक्क मतदान जागरूकता आस्तै प्रोग्राम

रक्खेआ। इस प्रोग्राम दा मकसद पैहली बारी मतदान करने आहलें
गी मतदान दे महत्व बारै दस्सना ते उनेंगी औंदे विधानसभा चुनाएं
च बधी-चढ़ियै हिस्सा लैने आस्तै प्रेरित करना हा। एह पैहलकदमी
उत्थूं दे स्वीप नोडल अधिकारी अंजुमन शाहीन हुंदी अगुवाई च
होई। उनें मतदान ते औहदे महत्व बारै लोतंत्र प्रक्रिया च युवाएं दे
योगदान उप्पर लो पाई। विद्यार्थियें दा संबोधन करदे होई शाहीन
होरें मतदान दी ताकत ते हर नागरिक दी मतदान करने दी उंदी
जिम्मेदारी उप्पर बी जोर पाया।

<><><><><><><>

Udhampur

उधमपुर दी जिला चुनां अधिकारी सलोनी राय होरें डी.सी दफ्तार दे
कांफ्रेंस हाल च चुनां कर्मचारियें कन्नै बैठक कीती। इस बैठक च
सारे जिला अफसर जिले दे पुलस अफसर चौनें हल्के च चुनां
कर्मचारी शामिल हे। सलोनी राय होरें रमानदारी आहले ढंग्गै सिर
चुनां करोआने लेई कायदे-कनून दी महत्वता उप्पर लो पाई। उनें

अफसरें गी निर्देशित कीता जे चुनावी प्रक्रिया भारतीय चुनां आयोग दे कड़े नियमें मताबक होनी लोड़चदी।

<><><><><><>

Defence-Minister

रक्षा मंत्री राजनाथ सिंह होरें आखेआ ऐ जे भारत ते अमरीका स्वभाविक भ्याल न ते एह दवें मुल्क कन्नै मिलियै दुनिया च शांति ते स्थिरता सुनिश्चित करी सकदे न। मंत्री होर वाशिंगटन डीसी च प्रवासी भारतीयें गी अपने अमरीका दौरै दे पैहले दिन गै भारतीय प्रवासियें गी संबोधित करा'रदे हे। सिंह होरें आखेआ जे उनें एह दिक्खिये बड़ी गै खुशी होई जे भारतीय समुदाय नै अपनी सांस्कृतिक जड़ें कन्नै तालमेल बनाए दा ऐ। रक्षा मंत्री हुंदे वाशिंगटन दे दौरै दरान भारत ते अमरीका नै आपूर्ति बवस्था दी सुरक्षा दस्तावेज यानि (SOSA) ते संपर्क अधिकारियें दी नियुक्ति दे संबंध च इक समझौता जपन उप्पर हस्ताक्षर कीते। SOSA उप्पर हस्ताक्षर कन्ने भारत ते अमरीका राष्ट्र रक्षा गी बढ़ावा देने

आले समान ते सेवाएं आस्तै प्राथमिकता समर्थन प्रदान करने उप्पर सहमत होए।

<><><><><><>

ते हुन बाकी दिएं खबरें कन्नै विजय बजाज।

National-Space Day

राश्ट्रपति द्रौपदी मुर्मू होरें आखेआ ऐ जे भारतीय अंतरिक्ष अनुसंधान संगठन- इसरो नै नां छड़ा अंतरिक्ष दे खेतर लेई महत्वपूर्ण योगदान दिते न सगुआं देसै दे समाजी-आर्थिक विकास लेई बी मता महत्वै आला कम्म कीता ऐ। एह गल्ल उनें अज्ज नमीं दिल्ली च पैहले राश्ट्री अंतरिक्ष दिवस आले कार्यक्रम दरान भाषण दिंदे होई आकखी। उनें गलाया जे अंतरिक्ष दी खोज नै मनुक्ख जाति दी समर्थ बधाई दिती ऐ, सोच गी हकीकत च तब्दील करी दिता ऐ ते ब्रह्मांड दे रहस्यें गी सामने आहन्नी दिता ऐ। अंतरिक्ष मैहकमे दे राज्यमंत्री डॉक्टर जीतेंद्र सिंह होरें आखेआ जे नरेंद्र मोदी सरकार नै सदिएं परानी जंजीरें गी त्रोटियै अंतरिक्ष दे खेतर गी आजाद करी दिता ऐ।

उनें आखेआ जे तकरीबन 70एं बरें तगर अंतरिक्ष दा खेतर रहस्यमयी बने दा रेया जेदे चलदे इस खेतर गी संसाधनें ते ज्ञान थमां वंचित रौहना पेआ हा।

<><><><><><>

Reasi-EVM

2024 विधानसभा दे चुनाएं लेई अज्ज इलेक्ट्रानिक वोटिंग मशीन यानि ईवीएम गी तालिये भेजने दी पैहली प्रक्रिया रियासी च शुरू होई। एह प्रक्रिया जिला चुनां अधिकारी विशेष महाजन हुंदे समेत आला अफसरें ते राजनीतिक पार्टियें दे प्रतिनिधियें दी उपस्थिति च कीती गई। एह प्रक्रिया मतपत्र इकाइयें, कंट्रोल इकाइयें ते वीवीपैट्स गी जिले दे त्रऊं हिस्सैं च बंडने आस्तै कीती गई। इस बारै तफसीली जानकारी दिंदे होई विशेषपाल महाजन हौरें आखेआ।

<><><><><><>

EVM-Rajouri

अज्ज राजौरी दे डाक बंगले च इलेक्ट्रानिक वोटिंग मशीन यानि ईवीएम ते वी.वी.पैट गी 2024 दे विधानसभा चुनाएं लेई बकख-बकख हल्के च भेजने आस्तै तालने दी पैहली प्रक्रिया होई। एह प्रक्रिया भारती चुनां आयोग दे नियमें अनुसार करोआई गई जेदे च जिला चुनां अधिकारी अभिषेक शर्मा समेत राजनीतिक पार्टियों दे प्रतिनिधि बी शामिल हे। एहदे च बीजेपी, कांग्रेस, एनसी, पीडीपी समेत बाकी पार्टिएं दे प्रतिनिधि बी शामिल हे। एह प्रक्रिया ई.सी.आई दे ईएमएस पोर्टल उप्पर कीती गई ते सारे प्रतिनिधिएं इस पूरी प्रक्रिया पर संतुष्टि जाहर कीती।

<><><><><><><>

Poll Day-Holiday

जम्मू-कश्मीर दी सरकारै प्रदेश दे सब्बनें 90 असैम्बली हल्के च त्रुं गेड़ें तैहत होने आले विधानसभा चुनाएं दे मद्देनजर मतदान आले ध्याड़ें पर सार्वजनिक छुट्टी दा ऐलान कीता ऐ। जारी हुकमै मुजब

सरकारै मतदान आले त्रुं ध्याइं पर छुट्टी दी घोषणा कीती ऐ।
पैहले गेइ तैहत 18 सितंबर 2024 गी कुल 24 असैम्बली हलकें च
छुट्टी यानि Paid Holiday होग। ईयां गै दुए गेइ दे चुनां लेई कुल
26 असैम्बली हलकें च 25 सितंबर 2024 गी छुट्टी होग। इसै
चाल्ली असैम्बली चुनाएं दे त्रीये ते अखीरले गेइ तैहत पैहली
अक्तूबर 2024 गी 40 असैम्बली हलकें च छुट्टी दा हुकम जारी
कीता गेआ ऐ। हुकम च कुसै बी बवसाया, बपार, औद्योगिक उपक्रम
जां कुसै बी होर इदारे च कम्म करने आले सरबंधत खेतर दे योग्य
मतदाताएं गी मतदान आले ध्याइे पर सवेतन अवकाश यानि Paid
Holiday होग।

<><><><><><>

Drugs-Banned

सरकारै बकख-बकख चाल्ली दी एंटी बायोटिक दवाइएं, दर्द शा राहत
पुजाने आली दवाइएं ते मल्टी विटामिन दवाइएं सने कुल 156
दवाइएं पर रोक लाई दिती ऐ कीजे इक जायजे दे बाद एह पाया

गेआ जे इनें दवाइयें करी सेहत गी खतरा होई सकदा ऐ। सेहत मंत्रालय नै इक अधिसूचना च आखेआ ऐ जे इनें 156 दवाइएं च तय मात्रा च खुराक संयोजन तर्कहीन न। मंत्रालय नै आखेआ ऐ जे इनें दवाइएं दे इस्तेमाल करी लोकें दी सेहत गी खतरा होने दी शंका ऐ जदके इंदे सुरक्षित विकल्प बजार च उपलब्ध न। अधिसूचना च आखेआ गेआ ऐ जे सरकार ते दवाइएं सरबंधी तकनीकी सलाहकार बोर्ड DTAB दी माहिरें दी इक कमेटी आस्सेया कीते गेदी जांच परेंत एह फैसला लैता गेआ ऐ। मंत्रालय नै दस्सेया जे DTAB नै इनें संयोजनें दे दावें गी दुरूस्त नेई पाया ते एह मनदे होई फैसला लैता जे इंदे करी मरीजें गी फायदे दे बजाय मता नुकसान होआ करदा ऐ।

<><><><><><>